

佛的 21 種勝德(第 23, 27, 28 品經文)

爾時，一切諸天及諸菩薩眾，見於如來、應、正等覺——不可思議人中之雄

- 1 其身無量，不可稱數；現不思議種種神變，令無數眾生心大歡喜；
普遍一切虛空界、一切法界，以佛莊嚴而為莊嚴；
令一切眾生安住善根，示現無量諸佛神力，超過一切諸語言道，諸大菩薩所共欽敬；隨所應化，皆令歡喜；住於諸佛廣大之身，功德善根悉已清淨；色相第一，無能映奪； (1 觀察如來一向無障礙轉功德==不二現行)
- 2 智慧境界，不可窮盡，無比三昧之所出生。
其身無際，遍住一切眾生身中，令無量眾生皆大歡喜，令一切智種性不斷
(2 於有無無二相真如最勝清淨能入功德==趣無相法)
- 3 住於諸佛究竟所住，生於三世諸佛之家；
令不可數眾生信解清淨，令一切菩薩智慧成就、諸根悅豫；
法雲普覆虛空法界，教化調伏無有遺餘；
隨眾生心，悉令滿足，令其安住無分別智；出過一切眾生之上。
(3 觀察如來無功用佛事不休息功德==住於佛住)
- 4 獲一切智，放大光明，宿世善根皆令顯現；
普使一切發廣大心，令一切眾生安住普賢不可壞智；
遍住一切眾生國土，從於不退正法中生，住於一切平等法界，
明了眾生心之所宜，現不可說不可說種種差別如來之身，非世言辭而歎可盡能令一切常思念佛，充滿法界廣度群生；
隨初發心所欲利益，以法惠施，令其調伏，信解清淨；示現色身不可思議
(4 觀察如來於法身中所依意樂作事無差別功德==逮得一切佛平等性)
- 5 等觀眾生，心無所著；
住無礙住，得佛十力，無所障礙；心常寂定，未曾散亂；住一切智，
(5 觀察如來修一切障對治功德==到無障礙處)
- 6 善能開演種種文句真實之義，能悉深入無邊智海，出生無量功德慧藏；
(6 觀察如來降伏一切外道功德==不可轉法)
- 7 恒以佛日普照法界，隨本願力常現不沒；恒住法界，住佛所住，無有變異；
於我、我所俱無所著，住出世法，世法無染；

(7 觀察如來生在世間不為世法所礙功德==所行無礙)

8 於一切世間建智慧幢，其智廣大，超過世間，無所染著；
拔諸眾生令出淤泥，置於最上智慧之地，所有福德饒益眾生而無有盡；
了知一切菩薩智慧，信向決定，當成正覺；
以大慈悲，現不可說無量佛身種種莊嚴；
以妙音聲，演無量法，隨眾生意，悉令滿足；

(8 觀察如來安立正法功德==所安立不可思議)

9 於去、來、今，心常清淨，令諸眾生不著境界；
恒與一切諸菩薩記，令其皆入佛之種性，生在佛家，得佛灌頂；

(9 觀察如來授記功德==遊於三世平等法性)

10 常遊十方，未曾休息，而於一切無所樂著；
法界佛剎悉能遍往，諸眾生心靡不了知；所有福德，離世清淨；
不住生死，而於世間如影普現；

(10 觀察如來於一切世界示現受用變化身功德==其身流布一切世間)

11 以智慧月普照法界，了達一切悉無所得；
恒以智慧，知諸世間如幻如影、如夢、如化，
一切皆以心為自性，如是而住；
隨諸眾生業報不同、心樂差別、諸根各異，而現佛身；
如來恒以無數眾生而為所緣，為說世間皆從緣起，
知諸法相皆悉無相，唯是一相智慧之本；
欲令眾生離諸相著，示現一切世間性相而行於世，為其開示無上菩提；

(11 觀察如來斷疑功德==於一切法智無疑滯)

12 為欲救護一切眾生，出現世間開示佛道，令其得見如來身相，
攀緣憶念，勤加修習；除滅世間煩惱之相，修菩提行，心不散動，
於大乘門皆得圓滿，成就一切諸佛義利，

(12 觀察如來令入種種行功德==於一切行成就大覺)

13 悉能觀察眾生善根而不壞滅；清淨業報，智慧明了，普入三世，
(13 觀察如來當來法生妙智功德==於諸法無有疑惑)

14 永離一切世間分別；
放光明網普照十方，一切世界無不充滿；色身美妙，見者無厭；
以大功德智慧神通，出生種種菩薩諸行；諸根境界，自在圓滿；

作諸佛事，作已便沒；

(14 觀察如來如其勝解示現功德==無能測身)

15 善能開示過、現、未來一切智道，為諸菩薩普雨無量陀羅尼雨，
令其發起廣大欲樂，受持修習，

(15 觀察如來無量所化調伏有情加行功德==一切菩薩等所求智)

16 成就一切諸佛功德；

圓滿熾盛無邊妙色莊嚴其身，一切世間靡不現睹；

永離一切障礙之法，於一切法真實之義已得清淨，於功德法而得自在；

(16 觀察如來平等法身波羅蜜多成滿功德==住佛無礙住勝彼岸)

17 為大法王，如日普照；為世福田，具大威德；

於一切世間普現化身，放智慧光，悉令開悟；

欲令眾生知佛具足無邊功德，以無礙繪繁頂受位，隨順世間方便開導；

以智慧手安慰眾生，為大醫王善療眾病，

一切世間無量國土悉能遍往，未曾休息；

清淨慧眼離諸障翳，悉能明見；於作不善惡業眾生，種種調伏，

令其入道；善取時宜，無有休息；若諸眾生起平等心，即為化現平等業

報，隨其心樂，隨其業果，為現佛身種種神變，而為說法，令其悟解，

得法智慧，心大歡喜，諸根踊躍，見無量佛，起深重信，生諸善根，

永不退轉；

(17 觀察如來隨其勝解示現差別佛土功德==不相間雜如來解脫妙智究竟)

18 一切眾生隨業所繫長眠生死，如來出世能覺悟之，安慰其心，使無憂怖；

若得見者，悉令證入無依義智，智慧善巧，了達境界莊嚴妙好，無能映奪

智山法芽，悉已清淨；或現菩薩，或現佛身，令諸眾生至無患地；

無數功德之所莊嚴，業行所成現於世間；

一切諸佛莊嚴清淨，莫不皆以一切智業之所成就；

(18 觀察如來三種佛身方處無分限功德==證無中邊佛平等地)

19 常守本願，不捨世間，作諸眾生堅固善友；

清淨第一，離垢光明，令一切眾生皆得現見；

六趣眾生無量無邊，佛以神力常隨不捨；若有往昔同種善根，皆令清淨；

而於六趣一切眾生不捨本願，無所欺誑，悉以善法方便攝取，

令其修習清淨之業，摧破一切諸魔鬥諍，

(19 觀察如來窮生死際常現利益安樂一切有情功德==極於法界)

20 從無礙際出廣大力，最勝日藏無有障礙；
 於淨心界而現影像，一切世間無不睹見，以種種法廣施眾生；
 佛是無邊光明之藏，諸力智慧皆悉圓滿；
 恒以大光普照眾生，隨其所願，皆令滿足，離諸怨敵，
 為上福田，一切眾生共所依怙；
 凡有所施，悉令清淨；修少善行，受無量福，悉令得入無盡智地；
 為一切眾生種植善根淨心之主，為一切眾生發生福德最上良田；
 智慧甚深，方便善巧，能救一切三惡道苦。

(20 觀察如來無盡及究竟等功德==盡虛空性窮未來際)

- 如是信解，如是觀察，如是入於智慧之淵，如是游於功德之海，
 如是普至虛空智慧，如是而知眾生福田，如是正念現前觀察，
 如是觀佛諸業相好，如是觀佛普現世間，如是觀佛神通自在。

(結成觀解)

雜世
間品
第三
十八

爾時世尊，在摩竭提國，阿蘭若法菩提場中，普光明殿・坐蓮華藏師子之座。妙悟皆滿・二行永絕・達無相法・住於佛住・得佛平等・到無障處・不可轉法・所行無礙・立不思議・普見三世・身恆充遍一切國土・智恆明達一切諸法・了一切行・盡一切疑・無能測身・一切菩薩等所求智・到佛無二究竟彼岸・具足如來平等解脫・證無中邊佛平等地・盡於法界・等虛空界。

【第八會】

十定品第二十七之一第七會

爾時世尊。在摩竭提國。阿蘭若法菩提場中。始成正覺。於普光明殿。
**【入剎那際諸佛三昧。以一切智自神通力。現如來身。清淨無礙。
 無所依止。無有攀緣。住奢摩他最極寂靜。具大威德。無所染著。
 能令見者。悉得開悟。隨宜出興。不失於時。恒住一相。所謂無相。】**
 (以上十句，攝 21 種佛德，參考(十冊)，p1963)

(以下是第十「無礙輪三昧」)

「佛子！云何為菩薩摩訶薩無礙輪三昧？佛子！菩薩摩訶薩入此三昧時，住無礙身業、無礙語業、無礙意業，住無礙佛國土，得無礙成就眾生智，獲無礙調伏眾生智，放無礙光明，現無礙光明網，示無礙廣大變化，轉無礙清淨法輪，得菩薩無礙自在，普入諸佛力，普住諸佛智，作佛所作，淨佛所淨，現佛神通，令佛歡喜，行如來行，住如來道，常得親近無量諸佛，作諸佛事紹諸佛種。」

「佛子！」

(以下為 21 種佛德)

*菩薩摩訶薩住此三昧已，觀一切智，總觀一切智，別觀一切智，隨順一切

智，顯示一切智，攀緣一切智，見一切智，總見一切智，別見一切智
(後 9 句顯滿相)
(以下明「二行永絕」)

1 於普賢菩薩廣大願、廣大心、廣大行、廣大所趣、廣大所入、廣大光明、廣大出現、廣大護念、廣大變化、廣大道，不斷不退，無休無替，無倦無捨，無散無亂，常增進，恒相續。何以故？此菩薩摩訶薩於諸法中，成就大願，發行大乘，入於佛法大方便海；以勝願力，於諸菩薩所行之行，智慧明照皆得善巧，具足菩薩神通變化，善能護念一切眾生；如去、來、今一切諸佛之所護念，於諸眾生恒起大悲，成就如來不變異法。
(正明二行永絕之德)

佛子！譬如有人以摩尼寶置色衣中，其摩尼寶雖同衣色，不捨自性。菩薩摩訶薩亦復如是，成就智慧以為心寶，觀一切智普皆明現，然不捨於菩薩諸行。何以故？菩薩摩訶薩發大誓願，利益一切眾生，度脫一切眾生，承事一切諸佛，嚴淨一切世界，安慰眾生，深入法海；為淨眾生界，現大自在，給施眾生，普照世間，入於無邊幻化法門，不退不轉，無疲無厭。佛子！譬如虛空持眾世界，若成若住，無厭無倦，無羸無朽，無散無壞，無變無異，無有差別，不捨自性。何以故？虛空自性，法應爾故。菩薩摩訶薩亦復如是，立無量大願，度一切眾生，心無厭倦。佛子！譬如涅槃，去、來、現在無量眾生於中滅度，終無厭倦。何以故？一切諸法本性清淨，是謂：涅槃，云何於中而有厭倦？菩薩摩訶薩亦復如是，為欲度脫一切眾生皆令出離而現於世，云何而起疲厭之心？佛子！如薩婆若，能令過去、未來、現在一切菩薩，於諸佛家已、現、當生，乃至令成無上菩提，終不疲厭。何以故？一切智與法界無二故，於一切法無所著故。菩薩摩訶薩亦復如是，其心平等住一切智，云何而有疲厭之心？
(喻顯二行永絕)

(以下，別顯一用自在之「依果殊勝」)

「佛子！此菩薩摩訶薩有一蓮華，其華廣大盡十方際，以不可說葉、不可說寶、不可說香而為莊嚴；其不可說寶，復各示現種種眾寶，清淨妙好，極善安住。其華常放眾色光明，普照十方一切世界無所障礙；真金為網，彌覆其上；寶鐸徐搖，出微妙音，其音演暢一切智法。此大蓮華具足如來清淨莊嚴，一切善根之所生起，吉祥為表，神力所現，有十千阿僧祇清淨功德，菩薩妙道之所成就，一切智心之所流出，十方佛影於中顯現，世間瞻仰猶如佛塔，眾生見者無不禮敬，從能了幻正法所生，一切世間不可為諭。」

(以下，明一用自在之「正報自在」)
菩薩摩訶薩於此華上結跏趺坐，其身大小與華相稱。 (身量大小)

(以下，是「二十重的佛加放光」)

一切諸佛神力所加，令菩薩身一一毛孔各出百萬億那由他不可說佛刹微塵數光明，一一光明現百萬億那由他不可說佛刹微塵數摩尼寶，其寶皆名：普光明藏，種種色相以為莊嚴，無量功德之所成就，眾寶及華以為羅網彌覆其上，散百千億那由他殊勝妙香，無量色相種種莊嚴，復現不思議寶莊嚴蓋以覆其上。一一摩尼寶悉現百萬億那由他不可說佛刹微塵數樓閣；一一樓閣現百萬億那由他不可說佛刹微塵數蓮華藏師子之座；一一師子座現百萬億那由他不可說佛刹微塵數光明；一一光明現百萬億那由他不可說佛刹微塵數色相；一一色相現百萬億那由他不可說佛刹微塵數光明輪；一一光明輪現百萬億那由他不可說佛刹微塵數毘盧遮那摩尼寶華；一一華現百萬億那由他不可說佛刹微塵數臺；一一臺現百萬億那由他不可說佛刹微塵數佛；一一佛現百萬億那由他不可說佛刹微塵數神變；一一神變淨百萬億那由他不可說佛刹微塵數眾生眾；一一眾生眾中現百萬億那由他不可說佛刹微塵數諸佛自在；一一自在兩百萬億那由他不可說佛刹微塵數佛法；一一佛法有百萬億那由他不可說佛刹微塵數修多羅；一一修多羅說百萬億那由他不可說佛刹微塵數法門；一一法門有百萬億那由他不可說佛刹微塵數金剛智所入法輪，差別言辭各別演說；一一法輪成熟百萬億那由他不可說佛刹微塵數眾生界；一一眾生界有百萬億那由他不可說佛刹微塵數眾生，於佛法中而得調伏。

(以上均1「二行永絕」)

2 佛子！菩薩摩訶薩住此三昧，示現如是神通境界無量變化，悉知如幻而不染著，安住無邊不可說法。自性清淨、法界實相、如來種性，無礙際中，無去無來，非先非後，甚深無底，現量所得，以智自入，不由他悟。心不迷亂亦無分別， (2 達無相法)

3 為去、來、今一切諸佛之所稱讚，從諸佛力之所流出，入於一切諸佛境界。體性如實，淨眼現證，慧眼普見，成就佛眼為世明燈，行於智眼所知境界，廣能開示微妙法門。 (3 住於佛住德)

4 成菩提心，趣勝丈夫，於諸境界無有障礙，入智種性出生諸智，離世生法而現受生，神通變化，方便調伏。如是一切無非善巧。

(4 得佛平等德)

5 功德解欲悉皆清淨，最極微妙具足圓滿，智慧廣大猶如虛空，善能觀察

眾聖境界，信行願力堅固不動，功德無盡世所稱歎。於一切佛所觀之藏，大菩提處一切智海，集眾妙寶，為大智者，猶如蓮華自性清淨，眾生見者皆生歡喜、咸得利益。智光普照，見無量佛，淨一切法。

(5 到無障礙處德)

6 所行寂靜，於諸佛法究竟無礙。恒以方便住佛菩提功德行中而得出生，具菩薩智，為菩薩首，一切諸佛共所護念。得佛威神，成佛法身，念力難思，於境一緣而無所緣，其行廣大無相無礙，等於法界無量無邊。所證菩提猶如虛空，無有邊際，無所縛著。 (6 不可轉法德)

7 於諸世間普作饒益，一切智海善根所流，悉能通達無量境界。已善成就清淨施法，住菩薩心，淨菩薩種，能隨順生諸佛菩提，於諸佛法皆得善巧，具微妙行，成堅固力。 (7 所行無礙德)

8 一切諸佛自在威神，眾生難聞，菩薩悉知入不二門住無相法；雖復永捨一切諸相，而能廣說種種諸法，隨諸眾生心樂欲解，悉使調伏，咸令歡喜。 (8 立不思議德)

9 法界為身無有分別，智慧境界不可窮盡，志常勇猛，心恒平等。見一切佛功德邊際，了一切劫差別次第。 (9 普見三世德)

10 開示一切法，安住一切剎，嚴淨一切諸佛國土，顯現一切正法光明，演去、來、今一切佛法，示諸菩薩所住之處。為世明燈，生諸善根，永離世間，常生佛所。 (10 身恒充滿一切佛土)

11 得佛智慧明了第一。一切諸佛皆共攝受，已入未來諸佛之數，從諸善友而得出生，所有志求皆無不果。 (11 智恒明達一切諸法)

12 具大威德，住增上意，隨所聽聞咸能善說。 (12 明了一切行)

13 亦為開示聞法善根。住實際輪，於一切法心無障礙；不捨諸行，離諸分別。 (13 除一切疑)

14 於一切法心無動念。得智慧明滅諸癡闇，悉能明照一切佛法，不壞諸有而生其中，了知一切諸有境界。從本已來無有動作，身、語、意業皆悉無邊。 (14 無能測身)

15 雖隨世俗演說種種無量文字，而恒不壞離文字法。深入佛海，知一切法但有假名，於諸境界無繫無著。 (15 一切菩薩等所求智)

16 了一切法空無所有，所修諸行從法界生。 (16 到佛無二究竟彼岸)

17 猶如虛空無相無形。深入法界隨順演說，於一境門生一切智。
(17 具足如來平等解脫)

18 觀十力地以智修學，智為橋梁至薩婆若，以智慧眼見法無礙，善入諸地

(18 證無邊佛平等地)

19 知種種義，一一法門悉得明了， (19 盡於法界)

20 所有大願靡不成就。 (20 等虛空界窮未來際)